

濟陽縣志卷之四

邑令臨桂胡德琳纂修

水利志

以水名邑利濟靡涯乎害亦相倚伏焉清其源達其流因勢利導下令於流水凡欲以興利而永除害耳夫鄭公有渠也蘇公有堤也皆膏澤長流者也吾之夙夜奔波於此敢思附古人哉殫清白之臣心而已渺渺予懷尙其問諸水濱志水利

河道

濟陽縣志

卷之四

河道

一

大清河濟水也由河南濟源縣發源經東阿長清至歷城任家岸入境環繞縣城東南至齊東延家岸出境計長八十五里為鹽運往來通津亦曰鹽河由蒲臺利津入海其見於漢桑欽水經云濟水出

河東垣縣東王屋山為沘水道元注濟齊也齊度也員也今濟水重

源出溫城西北平地又東逕濟陽縣故城南故武父城也城在濟水之陽故

以為名又東過濟陽縣北濟也今陳畱縣又東至乘氏

縣西分為二南為荷原注當水北為濟瀆左傳僖

一年分曹地東傳於濟自是北東流出巨澤其一水南流其一水從縣東北流入鉅野澤逕乘氏

與濟渠濮溝合北濟自濟  
陽縣北東北逕賁棗城  
又北逕漁山東左合馬

頰水自魚山北逕清亭東  
春秋隱公四年公及宋公遇於清者是濟水

通得清之目焉亦水  
色清深用兼厥稱  
又東北灤水出焉  
灤水出歷縣故城西

南春秋桓公十八年公會齊侯於  
樂是也北流注於濟謂之灤口  
又東北逕華不

注山  
左傳成公三年齊頃公與晉卻克戰於鞏齊師敗績逐之三周華不注即華水也北絕聽

瀆二十里  
注於濟  
又東北過臺縣北又東北合芹溝水又

東北過菅  
漢表作管  
縣南又東過梁鄒縣北又東北過

臨濟縣南又東北迤為淵渚謂之平州又東北逕

樂安縣故城南又東北過利縣西又東北過甲下

濟陽縣志

卷之四 河道

邑入於河又東北入海

按邑以濟得名則濟水源流不可不亟考也在禹

貢曰導沅水東流為濟孟子曰澮濟濶而注諸海

濟之水與稱由來遠矣今就水經及注而節畧之

其日出垣縣王屋山注謂出溫城則今河南懷慶

府溫縣及濟源縣濟源有王屋山濟瀆蓋古合二

縣為一也曰東逕濟陽縣故城南注指為陳畱縣

則漢之濟陽為今開封府屬也酈氏曰城在濟水

之陽故以為名此吾邑襲名之權輿矣曰至乘氏

分爲二南爲菏水北爲濟瀆注援曹地傳濟及鉅野濮溝注之則今濮州及荷澤鉅野等縣也其謂自濟陽縣北逕賁棗城則晉所改之濟陽爲今曹縣而非復漢之陳畱矣曰自魚山北逕清亭東注援宋公遇清且謂濟水通得清之目此卽吾邑以濟爲清之始今且以清掩濟之名矣曰東北灤水出焉逕華不注注以灤口釋之則今吾邑大清河之上游也自是而下當入吾邑界內曰東北過臺縣北按邑東北仁風鎮傳爲舊馬防城考宋武帝

初立東魏郡治馬防城後改治臺縣城馬防本臨邑東南割入縣境則臺城今臨邑地也注引譚城則今章邱地也是濟邑在昔爲章邱臨邑分治之徵也曰東北過菅原注菅當作菅縣南注引百脈泉逕楊邱故城按邑在漢爲陽邱縣地楊當作陽云濟水過菅縣南則菅縣正如今治在濟水北想金之設縣諒有舊蹟可依必非憑空建置而今不可臆斷矣其由河入海昔人已辨其非然以今之源流分合質之桑經酈注則吾邑清濟滄桑未爲變遷猶

然禹甸之原隰而想見明德之遠也通志云濟汶合流實汶水故道也又云濟陽縣在大清之北本漯瀆也是混濟汶漯清爲一矣攷汶水不入邑境漯水入於徒駭惟清之入濟見於水經注中在金以濟名邑則清水實濟水非汶亦非漯也孔安國曰泉源爲沅流去爲濟言其膏澤下濟施及民物也先民有言一命之士苟存心於愛物於人必有所濟宰斯土也飲清河之水其敢勿矢志清白利濟爲懷也哉

徒駭河漯水也在縣治西北源自聊城運河東岸龍灣減水閘滾水壩洩水東北經博平高唐茌平禹城齊河至臨邑縣夏口入境至商河縣南河頭出境計長四十五里又東北至商河之梁家道口入境又東至盧家溝出境南河頭以下北岸盡屬商河南岸則濟商兩邑犬牙交錯又東經惠民濱州至霑化之久山口入海水經河水東北入武陽縣東有漯水出焉酈注漯水出東郡武陽縣又東北過高唐縣界又東北逕援縣故城西又逕高唐縣故城東又東

北逕潞陰縣故城北又東北逕著縣故城南又東  
北逕崔氏城北又東南逕東朝陽縣故城南又東  
逕漢徵君伏生墓南又東逕鄒平縣故城北又東  
北逕界東鄒城北又東北逕建信縣故城北又東  
北逕千乘縣二城間又東北爲馬常坑又東北逕  
楊墟縣東商河出焉

按禹貢浮於濟潞穆天子傳云丁卯天子自五鹿  
東征釣於潞水以祭淑水巳巳天子東征食馬於  
潞水之上此潞之稱於古者也水經及注謂出唐

武陽通志云今朝城尙有故陂遺蹟曰故曰遺則  
陵谷殆已變遷耶又云自高唐以下通名徒駭河  
則又直以徒駭爲潞水也水經云東北逕著縣故  
城南今吾邑曲堤鎮爲著縣故城徒駭水經焉是  
亦潞水爲徒駭之一徵也酈注又云東北至琅槐  
鄉有古黃河通濟枯渠謂之潞河又云今所輟流  
惟潞水耳則潞水在昔已成枯渠大抵分合遷徙  
水自靡常以潞水移入徒駭遂以徒駭目之亦猶  
濟水合清遂以大清河目之云爾

夾馬河舊志土河或曰卽古夾馬河按古無夾馬河之名惟九河中有馬頰考之通志其載篤馬河自平原陵縣德平至張習家橋入馬頰河馬頰河又東逕張習家橋歷樂陵慶雲至海豐之沙土河口入海是一馬頰也又載馬頰口東會濟汶故道自東阿縣運河東岸逕洙泗口至龐家口與濟汶二水會又一馬頰也二水皆與邑無涉又載商河自濟陽新市起至溫家橋入商河界卽今夾馬之水而於上源無考今查夾馬河源在禹城縣西北隅

二十五里九都八圖王家莊前地形窪下積流成河至德州衛二十五里經衛地四里入臨邑縣境黃照家莊四十五里復有楊家窪喬家窪龍窪大窪數處雨水一集俱入此河至李家莊入濟陽縣境四十八里至溫家橋入商河縣境四五里至瓦屋頭又入濟陽縣境十二里又入商河縣境一百四十五里至惠民縣境一百一十四里入沙河十四里至濱州所屬之呂家橋三十里而入徒駭河並入於海其在邑境自朱家橋下北岸分二岔

逕段家橋雙柳樹董家莊至溫家橋與幹河合此  
今夾馬河之源委支派也然則舊志之士河通志  
之商河卽古滴河實卽夾馬河也故爲條晰紀之  
枯河舊志在縣東二十五里舊本清河灣曲之處元  
以漕運嫌其水曲故徑開之舟行得使其水皆入  
新河故有枯河之名

趙家運糧河縣西八里杜家水口之上

楊家河縣西二十五里乃支家河上游也

支家河縣西三十里有支家橋下游入王山家河

濟陽縣志

卷之四

河道

七

溝

東中開河縣西三十里王山家河之西

趙清河縣西北四十里有邢家庵其坡名庵子坡

流浪河縣東七十里在羅家窪盧家溝之上

倪倫河附在齊河縣西南四十里自鄭家樓起由劉

宏窪蓮花池廣濟橋大小吳現趙良等屯倪倫二

橋至釣魚臺止河形屈曲約計二百餘里旁有溫

聰趙牛二河溫聰河水自劉宏窪分倪倫河之支

流於張保屯入趙牛河合流自西而東與倪倫河

并趨三岔口歸入徒駭河

黃河故道通志以今輿地言之濬縣清豐觀城聊城

平原陵縣商河齊東惠民蒲臺利津

南接滑台開州濮州范縣

陽穀在平平陰長清齊河濟陽後徙逕濱州海豐不入蒲臺利津

諸州縣界中皆

唐歷五代以及宋初黃河之所行也金章宗明昌

五年河徙自武陽而東歷延津封邱垣蘭陽東明

曹州濮州鄆城范縣諸州縣界中至壽張注梁山

灤分爲二派北派由北清河入海今大清河自東

平歷東阿平陰長清齊河歷城濟陽齊東惠民青

城濱州蒲臺至利津縣入海者是也

按邑水道以大清徒駭夾馬三河爲綱以趙楊支

家諸河爲紀若枯河之錄存其廢也流浪之紀冀

其興也倪倫之附則又利害相倚其事具見於前

驗於今而不惜諄諄焉詳告於後者也黃河故道

就通志所載約言其畧亦汲古之所不遺也或原

或委掇桑經酈注而訂証之示陵谷之未遷也盡

力於民者亦可於此知本務矣



溝窪

萬工溝通志作萬工河縣治西北七十里長一十五里南自興同莊之流水溝起逕太平莊前分爲二支一西北出夏口橋一東北會哈叭溝之水同入徒駭河雍正三年郎令作霖新開以厥工數萬名白浪溝治西北四十里一名哈叭溝長八里淮里溝治西南二十里一名張家溝王山家河溝治西三十五里陳家河溝杜家水口之東

玉皇溝治北三十里十八灣溝治西北四十里安平莊北長二里寬七八尺不等

象子溝治東六十里

萬工溝西新開如意溝三道一曰高白瑩溝一曰岳王莊溝一曰西太平溝

萬工溝東新開如意溝三道一曰大太平溝一曰哈叭溝一曰小太平溝

白浪溝東新開溝

田家屯新開溝

索家廟東西二溝

訥約新開尙家河溝

北崔官莊新開溝長三千一百五十餘丈寬三尺深  
二尺四五寸不等

上新開溝十二道係乾隆二十七八年內邑令胡  
德琳督役新濬舊有無名小溝并詳於後

戴家莊無名溝一道縣北五里長三里寬三丈餘尺  
不等水流達於大清

濟陽縣志

卷之四

溝窪

十

潘家橋里許徒駭河北岸小溝三道

路家橋西小溝一道

白浪溝北岸小溝三道

羅家橋南北俱有小溝一道而南岸之溝又分三支

孟家橋口南北兩岸各有小溝一道

孟家橋下梁石橋上南北兩岸各有小溝三道

梁石橋口南岸有汜河一條分爲五支

中一支由南而東經庵于

坡釣魚臺等處仍歸徒駭即陳家河溝東行至  
支至眞約止東南行二小支一至尙家坊一至

田家屯止西南行一支至王山東中開河等  
處復分爲二一合淮里溝水一合支家河楊家河

里仁莊楊  
家溝等水

梁石橋北岸左右小溝二道

米家橋南岸小溝一道

米家橋北岸近東小溝一道

米家橋東商家橋西中有土橋溝一道

商家橋東南岸近黃郎務寺水溝一道經月星約至

森約止

劉家道口近東水溝一道分爲三支

中一支東南行  
暑陰等約

一支由西南行不甚遠 一支由  
東行至花園寺等處濟商交界

梁家道口之東自生約交商界處至高橋小溝三道

高橋之東至賈橋小溝四道

見視渠長四里見視約內 以上溝渠

東鄉恭和約羅家窪一區東西長十二里南北寬五

里

東鄉流浪河窪一區東西長四里南北寬三里

東鄉溫柔約窪一區東西長九里南北寬四里

南鄉大庵窪東西長十一里南北寬五里

西南鄉西太平窪一區東西長十三里南北寬五里

西鄉田家屯窪長八里寬五里

西鄉淮里窪長四里寬二里

西鄉東中開河莊窪一區長六里寬三里

西北唐家廟等處窪一區長七里寬四里

西北鐵梁寺等處窪一區長八里寬六里

北鄉玉皇廟等處窪一區長六里寬三里

西北鄉南崔莊窪一區長五里寬三里

西北鄉大官莊窪一區長四里寬三里

霍家窪周圍約十五六里在夾馬南岸霍家樓之東

雷家窪周圍五六里在夾馬北岸雷家莊內

塚窪一名老海

孟家窪治西北二十八里

白草窪治西北十六里

王家窪治西北十五里

高家窪崇興寺東北八僊廟側釣魚臺之上

康家窪距高家窪里許

馬家窪附近流浪河孟家井

姜家窪距姜家屯一里

冉家窪

鄧家窪

馮家窪

白家窪 上四窪在縣南二十餘里俱近大庵窪

按東省河渠有溝口道口之名道口乃水涸時車馬之道溝口則順水入河之口也但遇春融須先築壩使河水至不能內溢而坡窪各水且蓄溝內俟河水退然後開放此定例也故并及之俾利導者知所從事焉

宣防

古今治水之法言人人殊子輿氏獨以水之道盡禹而深惡夫鑿夫果有道之可循則人人可爲神禹而又奚敝敝焉以鑿自熹耶正惟洺洞無涯橫決四出之際沸也如鼎莫測其端翻也如瓢莫窮其委於斯時也迂者勞力鮮濟巧者壑鄰不惜乃能決諸東決諸西順而達之曲而致之一曰千秋儼若天造地設不可移易是所稱得其道而行所無事者耳夫法不一而道一大要不外疏其壅制其

橫而其究也遂以奠山川而奏平成則道之立於渾茫中者至大亦至微也邑兩載水潦余以蠡測之見殫胼胝之勞或濬故渠或闢新徑總以疏其壅制其橫而已爰考前人成案証以目擊特立宣防一則未敢曰道果在是但不致以鑿貽譏後人則幸甚矣

邑中巨河三大清晶瑩澄澈爲形勝第一嘗稽前案乾隆九年奉查源流淤墊張令繪圖具報一律深通無庸挑濬十三年奉查報如前十七年又奉查

報如前至今雖值霖潦清宴無虞鹽運往來風帆  
利涉花明柳媚魚鳥親人固可徵湛恩之汪濊卜  
浩澤之靈長矣

舊志不載徒駭豈其時未有此河耶抑有不爲災故  
遺而失紀耶嘗閱舊案雍正五年士民呈倪倫溫  
聰俱入趙牛趙牛入徒駭以注於海因徒駭淤塞  
軍民田廬屢受沉溺懇恩疏瀹府批齊臨濟三縣  
會勘設法疏通旋荷

皇仁動帑挑濬一次河面寬三四十丈不等水面寬八

濟陽縣志

卷之四

宣防

十五

九丈至十餘丈不等岸高八九尺至一丈一二尺  
不等水深二尺至三尺四五寸不等十三年奉查  
徒駭河橋梁具報修理在案乾隆七年邑生呈有  
橫河築堰捕魚阻水下流者姚令准卽平毀九年  
奉 撫憲委查徒駭淤墊具報無淤十三年查報  
如前十五年 撫憲鄂 詳查水利芟阻水蘆葦  
淨盡十七年查報如前雖時有修理俱係勸用民  
力未動帑也二十二年奉

上諭徒駭應行開濬清理并拆修氏埧改寬橋洞逐段

測量水勢估計工費通報查核邑令邱具報現無淤塞橋七座亦俱寬大足資宣洩無庸動帑興修二十四年有疏濬徒駭淤沙段落具詳在案二十五年冬余履任查向例於每歲冬間勘明淤淺插標號記至春融興工開挑兩岸低塌之處並溝口道口俱卽以挑河之土培築堅厚拮据遵辦未或差池乃二十六七兩年雨水過多坡水不能下洩余悉心相度設法宣防凡諸溝窪之水可達徒駭者悉引而歸之兩岸堵禦防範俾無泛溢以注於

海諸溝原委並條晰焉

徒駭河南舊有萬工溝一道計長十五里寬三四丈深五六尺不等查此溝消洩西南鄉一帶窪水且西距齊河之倪倫河三岔口約十餘里舊溝淺狹間有淤塞爰插簽挑濬并於溝頭由興同莊等處開挑計長一千六十五丈寬一丈八九尺至二丈不等深三四尺不等俾得一律深通復因各低窪之水不能盡行歸溝相度形勢於溝之東西各開支溝三道以消瀝水



萬工溝西新開支溝三道一自西太平莊起至藥王莊東止計長七百二十丈一自藥王莊東起至萬工溝止計長三百八十丈一自高白莊起至藥王莊止計長九百二十八丈五尺三溝均寬二丈深三四尺不等

萬工溝東新開支溝三道一自萬工溝南北河頭起由小太平等莊之南至白浪溝頭止計長一千六百十七丈五尺寬一丈八九尺深三四尺不等一自小太平莊東北由哈叭溝南至白浪溝止計長

一千二百五十丈寬一丈七八尺深三四尺不等一自萬工溝東起接溝西藥王莊溝尾由大太平等莊之南至白浪溝止計長一千二百二十一丈五尺寬一丈七八尺深三四尺不等

徒駭河南舊有白浪溝一道計長八里寬四五丈深五六尺不等查此溝亦消洩西南鄉一帶窪水久經淤淺爲履勘清挑現俱一律深通復於白浪溝之東直接溝西大太平南溝尾新開支溝一道計長一千九百七十二丈寬一丈八九尺深四五尺

不等直接楊家河頭止其楊家河以下至支家橋止計長六百五十丈舊河頗寬僅存形迹查明河形於兩岸挑築河堤約高四五尺不等底寬六七尺面寬二尺四五寸不等并於支家橋以下挑通河尾直達王山家河溝一律歸於徒駭大河計長二百丈寬十餘丈深四五尺不等復培築兩岸以資捍衛

王山家河溝一道上接楊家支家趙家等河淮里一溝下至杜家水口止計長七百八十丈寬十一二

丈深四五尺不等查此溝爲衆水所匯爲挑濬深通復於兩岸築堤均寬三四尺高五六尺不等以資捍衛

淮里溝一道舊溝稍狹且多淤淺首尾斷續不通爲查勘挑濬自馬家營起由富悟等約至王山家河止計長一千六百三十餘丈寬三丈五尺深三四尺不等

淮里窪莊後溝一道自莊後起至悟約淮里溝止計長三百八十八丈五尺寬五尺五寸深三四尺不

等舊爲居民疊堰水道阻塞爲查勘挑通

趙家運糧河一道自城西八里莊起至王山家河止計長二十餘里寬十丈舊有河形久經居民侵種以致淤塞爲查勘清挑自方家莊起至五里廟止約計十餘里寬二三丈深四五尺不等其方家莊以上俱係漫河

以上各溝俱在徒駭南岸除萬工白浪二溝各有溝尾入徒駭外其餘各溝水俱由杜家水口洩入徒駭河

陳家河溝一道舊由杜家水口之東間有河形斷續不通爲相度形勢自宋家屯起由田家屯尙家坊橋菴子橋等處至釣魚臺入徒駭河止計長三千七百五十餘丈寬二三丈深三四尺不等開挑一律深通

雍正六年有檄提疏濬徒駭馬頰餘銀一案

濟之夾馬舊曰

馬頰是馬頰前與徒駭動帑同挑也而其詳莫稽七年委員會勘挑濬一次面寬四丈底二丈深三尺至一尺二寸不等十三年奉查挑濬一次乾隆十

七年奉查挑濬一次二十二年邱令詳請挑濬並拆改橋座俾水勢寬通不致壅遏二千六七兩年邑水余查有汭河應行築堤自鄭家橋至朱家橋長八百六十九丈朱家橋至段梁橋長四百三十二丈段梁橋至段家橋長二百五十三丈段家橋至雙柳樹西長三百九十丈雙柳樹西至夾馬幹河口長一千二百五十三丈撥煖壽吉祥綿莊諸約分築以資捍禦二十八年奉文勘明幹河應通行挑築因丈清段落撥夫分修計自李家莊至大

莊橋爲一段長三千四十二丈五尺用民夫三千三百二十三名此段子河尙屬通順惟老岸低塌殘缺於子河取土挑培壽約以下間斷淤淺河心兼有蘆葦急拔除之取土培築外河老岸河面寬以七丈底以四丈深以離地三尺爲率子河兩堤寬疊不令過高此第一段之工程也自大莊橋至溫家橋爲一段長二千八百九十四丈用民夫二千八百五十六名此段老岸有無斷續且自大莊至楊家橋及艾家小莊子河窄狹中有土堰魚

兩岸亦多殘毀俱督工挑寬培厚河面寬以七丈五尺底以四丈一尺深以離地三尺爲率此第二段工程也自溫家橋至庵子橋一段係商河所屬自庵子橋至大嶺莊出境一段長一千九百八十九丈用民夫二千五百九十四名此段上下游俱係商境止有河溝並無河身開挑加寬河面以八丈底以四丈二尺深以離地三尺五寸爲率兩岸約高八九丈與商河畫一辦理此第三段工程也每一段中又分三段點定書差各三名分段督理

挨順翻挑別難易以爲增減諦勤惰以爲賞罰其各段中有外河老岸卽運河中之土培築堅厚其無老岸者又加套堤自岸量十五丈堤高五尺面闊三尺底闊八尺培築永固至窪地居民不能挑深但知高築兩岸一遇雨水修築不時遂致漫溢今酌於上年各口處開成十字溝離岸五六丈以漸疊成斜坡既可禦水亦便行旅其他溝窪可通卽引而歸之此挑濬夾馬土河之章程卽挑濬闔邑諸渠之章程也嗟乎後之覽者其亦可按圖而

索矣

挑濬溝渠若萬工舊溝萬工東西新開如意諸溝白浪新開溝槐李溝訥約新開溝王山家河溝陳家河溝田家屯東西索新開溝及玉皇溝見視渠皆宣洩陂窪之水入徒駭者也十八灣溝北崔新開溝皆濬歸夾馬者也若戴家莊溝象子溝皆濬歸大清者也此外大小無名諸溝因勢利導俾就軌焉詳之不勝詳也

按宣防之法河道爲經溝窪爲緯經以理之緯以比之總之窪瀉於溝而窪治溝達於河而溝治河注於海而河治橫縱分合度地制宜因勢乘便黜私智焉歸於以利爲本也然非參伍以變錯綜其故恐茫乎不識其畔岸浩乎莫測其津涯耳

文告

河道稟摺

敬稟者竊查<sup>卑</sup>縣兩年疊被水患受害最深之處實由齊河縣所轄之倪倫一河波及其備細緣由業於本月初四繪圖具稟奉批在案至<sup>卑</sup>縣境內有大清徒駭夾馬三河大清在縣治東徒駭在縣治西北俱分運河支流以歸於海徒駭之西北爲夾馬河係民開民濬爲消洩田間窪水之區今查得大清河上自歷城任家岸入境由西而東下

至齊東延家岸出境計長八十五里河寬四五十丈不等岸高水深素通舟楫爲鹽運水道無庸再加挑築夾馬河上自臨邑李家莊入境由西而東下至商河大嶺莊出境計長三十八里河寬五六丈不等春冬常涸夏秋水漲則浩漫無際乾隆十七年經前縣朱令挑濬子河一道現在河水流通而岸平河窄水漲易盈<sup>職</sup>相度地勢自應開挑寬深惟查兩岸河灘久經近河居民侵犁且間有民地在內容當清釐籌辦另行妥議此太清夾馬二

河大概情形也徒駭一河或云卽古漯水上自臨  
邑夏口入境由西而東下至商河南河頭出境計  
長四十五里寬三四十丈不等中間子河計寬六  
七丈不等向例冬間查勘雨後淤淺之處逐一標  
記於春融水涸集夫挑濬兩岸本無堤埝惟河岸  
平低緊要之處該莊居民築堰防守此外順水溝  
口大小淺深不一陂窪有水藉以疏洩春夏之交  
卽行堵禦以防伏秋盛漲今經雨水之後有水汕  
殘缺應行培築者俱逐段查勘標註俟水涸開挑

之日親爲督率且卽以挑河之士加築堤岸務使  
崖堅流暢再查得該河緊要順水溝渠有向本通  
流今已淤塞者有止存河形並無水道者有溝尾  
溝中斷續不通者職逐一履勘相度愷切勸諭卽  
乘疏消積水之便勸用民力督令次第開挑深通  
民情咸各踴躍所有現在查挑各河溝及已竣未  
竣緣由另具清摺並繪圖聲明此徒駭河大概情  
形也再徒駭河向以南河頭爲濟商交界南河頭  
以下至商河縣之盧家溝口北岸盡屬商地商民



而南岸則濟商兩邑犬牙交錯盧家溝之東爲羅家大窪<sup>甲</sup>縣所轄向受東北一帶積水由盧家溝口入河舍此無可宣洩從前原經該地居民挑掘流浪土河於盧家溝設立閘口不時啟閉法至善也歷年久遠閘圯河淤卷查雍正七年<sup>甲</sup>縣居民張彰等復議建閘以規舊制旋據商邑生員盧復禧等互相爭控經前府憲勘議查驗以土河不便開挑毋庸建閘詳蒙前藩憲批飭窪水泛溢俟河水平落會同兩邑各撥民夫開洩水退之後堵禦

完固等因並令勒碑禁約在案嗣因地當交界培築隄防商民觀望不前濟民獨力難支猝遇河水暴漲堤口未固河流內灌漂蕩堪虞乾隆十七年復經<sup>甲</sup>縣萇令會同商河陳令酌議每遇窪水當洩俟徒駭河水平落報明兩縣各委典史會開督築所需人夫兩邑民人均勻攤派等因通詳各憲奉批遵照在案現在恪遵辦理但日久玩生復踵前弊每逢關會開放窪水往往愆期洩水之後堵禦堤岸商民仍屬諉延濟民獨任其苦統冀

恩慈飭議或仍行建閘或另酌良規不致互相掣肘實感永遠之利再查徒駭一河源遠流長向無淤塞且屢奉

憲行歲加挑濬職仰承慎重地方至意每年春融率

同典史分頭督辦並嚴禁河灘不得種植蒲葦致阻水勢若果下游深通卽遇河流盛漲水性直行定克暢流入海不致汜溢爲患並祈

憲臺遍檄行查一律挑濬俾得歲慶安瀾年登大有土庶官民咸沐高厚鴻慈於無旣矣謹稟

濟陽縣志

卷之四

文告

二十六

土河稟

敬稟者昨蒙 憲檄飭知奉

撫憲批據禹城縣稟挑境內河道並查土河下游係

屬何縣一體查辦等因並准臨邑朱令關會到案

查卑縣有土河一道考之通志一名商河在縣治

西北五十里水勢自禹城東至陽武屯冬春常涸每遇夏秋水漲則浩漫無際或曰卽古馬頰河據

卑縣誌載土河一名夾馬河在縣治西北三十里自臨邑李家莊入境下至商河大嶺莊出境河長

三十八里今職親履查勘自李家莊至卑縣大莊  
橋約計十七八里河形自西而東河面頗寬中有  
子河寬三四丈深三四尺不等河中間有淤淺兩  
岸亦有殘缺俱應開濬加築大莊橋至溫家橋約  
計十餘里河形陡趨東北寬二丈三四尺深二三  
尺不等溫家橋以下至安子莊約計六里係商河  
所屬自安子莊以下至東中西瓦約十里又係卑  
縣所屬與商河大嶺莊交界河形轉自西南而東  
北或由東北而西南雖較上段稍覺寬深而曲折

紆迴不能徑直且自大莊橋至此僅有河溝並無  
老岸間斷淤淺急應開挑職逐一查丈分段撥夫  
另文通報興工督同卑縣典史葉履衡加謹疏濬  
並分關商河臨邑二縣寬深丈尺畫一查辦務期  
上下游一律深通暢流無阻再查得大莊橋迤北  
至溫家橋止土人稱有夾馬汊河一道約計八九  
里河形自西而東直與現在查挑之土河相接河  
面甚寬惟兩岸低塌河中年久淤塞盡爲居民犁  
種麥禾職正因大莊橋至溫家橋一帶河身屈曲

窄狹兩旁俱係民地不便過於挑寬恐水勢不能暢達卽於去冬今春將此段汊河勸諭居民於河中取土培築兩岸設遇河水暴漲可以分道消洩不致汜溢職又查得商河所轄之安子莊向日亦有汊河自西而東約五六里徑接甲縣之西瓦屋莊若將此段並甲縣汊河同行開挑則水勢順流而下較現在之河更爲捷便祇以地內俱有麥苗且安子莊一帶係屬商境現在札致朱令會同查勘另行具稟茲蒙檄飭合將勘辦緣由並繪具全

河圖本恭呈 憲鑒謹稟

倪倫河稟

敬稟者竊照甲縣西南鄉接壤齊臨二邑地勢低窪形如釜底西太平等莊之西約六七八里有齊河所轄之倪倫河東一帶堤岸實爲濟臨二縣并齊河蔡家等莊之障每遇夏秋各河水漲則齊河之蔡家等莊與甲縣之西南鄉及臨邑之馮于二井輒被滄沒齊河地勢稍高其窪下祇有三四莊臨邑亦止二莊受害尙淺惟甲縣西太平等九官

莊以及附近官莊各約受害最深乾隆十七年經  
甲 邑萇令以倪倫河東岸極窪之處自倪倫二橋  
以下至三岔口止計長一千一百餘丈詳請三縣  
撥夫協修以禦水患所需椿料仍令齊河備辦等  
情詳蒙 前憲批飭遵照當據三縣附河莊民自  
爲分段修築在案歷年並無漫溢之患倪倫二橋  
以上至大小吳現趙良等屯堤岸應齊河歲加培  
築不在協修之列乃去夏今秋兩年俱由趙良吳  
現等屯漫決堤口多處 甲 縣地居下游被滄獨重

實由鄰壑防禦難周 職 仰體 憲意細按情形築  
堤以禦患不如濬河而通流查倪倫一河紆餘屈  
曲水勢甚急本就窪下之地開挑洩水當日河面  
尙寬河溝尙深猶得稍緩其性今日久淤塞寬僅  
一丈七八尺深僅四五尺不等以淺窄之河當急  
流之水是以猝遇盛漲卽致漫決成災若不亟爲  
開挑其害日甚伏惟 檄取齊河縣各河圖本飭  
令逐一貼說開具該河原舊現在各寬深丈尺以  
及西岸窪地酌予開挑之處妥協查議呈候 憲

臺鑒核委員履勘乘時挑濬則齋濟臨三縣低窪  
村莊永無水患均沐 鴻慈無既矣再 職 更有請  
者倪倫二橋以下齊濟臨三縣協修東岸堤工卷  
查 甲 縣萇令前詳並未指明某縣承修係何段落  
緣前被滄沒止爲臨時捍禦之計未經議及歲修  
一定章程并祈 檄飭齊臨二縣將各該處附近  
村莊地畝各若干逐一開報以便與 甲 縣之九官  
莊地畝合計按地攤夫派定丈尺訂明界限以杜  
誘延之漸如遇臨時防禦仍不分疆界協力趕築

而平時修整各按段落以專責成設有檄修違悞  
者卽按照計畝撥夫之例關取該縣夫價給賞急  
公居民如此庶三縣民人咸生踴躍不至互相觀  
望於地方實有裨益事關水利民生 甲職 目擊情  
形不揣昌昧敬繪齊河縣倪倫河圖并齊濟臨三  
縣協修段落圖各一本恭呈 憲鑒謹稟  
本府王 批倪倫河三岔口一帶隄防攸關三縣  
田廬最爲緊要現在河身旣多淺窄兩岸堤埝亦  
有單薄低塌之處自應亟爲籌辦查送到繪圖甚

爲明晰所議挑築事宜亦屬允當仰候檄飭齊臨  
二縣作速查勘應挑應築工段會同興工並將三  
縣協修東堤酌定歲修章程一併繪圖貼說詳候  
查核轉報仍候 道憲批示繳河圖二本存

流浪河稟

敬稟者 卑職 前蒙

憲臺批發 卑 縣士民許治平等稟請停止挑濬河溝

一案蒙批 卑職 查勘報奪仍繪圖貼說弔取碑榻

送候查核等因蒙此竊 卑職 蒞任以來因乾隆二

濟陽縣志

卷之四

文告

三十一

十六七兩年疊被偏災仰體 各憲念切民依勤  
求水利至意隨將境內有關蓄洩各河溝於前冬  
去春次第挑濬深通唯東北鄉之羅家窪卽駱家  
窪迤南環繞四五十里每遇夏雨時行常不免於  
水患推原其故皆由彼處地勢低窪下游僅藉商  
境之盧家溝出水雨水過多一時宣洩不及水多  
停積散漫各處查羅家窪至盧家溝計長不過七  
八里若從此處開挖寬深引水入徒駭河甚屬近  
便是以 卑 縣前任房令曾經挑濬并於盧家溝口

建閘以資蓄洩嗣後日久閘圯溝淤雍正七年甲縣民人張彪等又在前縣苗令任內呈請開修緣羅家窪至盧家溝中隔盧家小窪亦係商河所轄商邑士民盧復禧等出而爭阻互相上控經濟商二縣會同委員齊東縣詳蒙 府憲程親勘詳司批斷飭令溝閘均免開修羅窪水大則決盧家溝之堤洩水水退令兩邑民夫堵塞并飭令前縣將羅窪積水作何疏通逐細查勘或開溝宣洩或挖挑池塘妥協辦理毋得因此案已結卽置膜外等

因刊有碑記在案是彼時定案止就羅窪一處而言其積水尙令設法疏消况羅窪附近村莊如懷天守法溫柔恭和忍耐謙一謙二等十餘約并東太平流浪河馬家窪孟家井等四官莊地勢均屬卑下田禾時被淹澇似未便聽其自然甲縣各前令正署迭更未及通盤籌畫相延至今甲職思盧家小窪現屬商河所轄此時若遽請復開唯恐又滋事端而甲縣境內河道南有大清北有徒駭豈盧家溝以外竟無洩水之處遂於羅家窪左右逐



一查看查得羅窪之南舊有流浪河一道流浪河  
東南有象子溝一道可通大清河流浪河西北有  
田家道口一處田家道口之西有高家溝一處俱  
可通徒駭河以上河溝均有舊存形迹卑職本擬  
先將流浪河開通引羅窪之水入流浪河并將象  
子溝疏濬引流浪河東南之水直達大清將田家  
道口高家溝開濬引流浪河西北之水直達徒駭  
今春親勘時原順道標記以便覆勘於農隙時酌  
用民力興工詎卑邑士民許治平等不察虛實赴

縣稟請停止

卑職

諭令各歸安業俟覆勘後再行

定奪而伊等卽奔控 憲轅奉批飭查擬合將河

溝情形先行繪圖貼說取具碑榻送候 憲臺查

核再流浪河東南由象子溝入大清河約有十二

三里西北由田家道口高家溝入徒駭河亦各有

十二三里其現在河溝之內非被堤土坍塌卽被

居民佔種一旦欲規舊制工程較鉅小民樂於觀

成難於慮始仰懇

憲恩遴委賢員與

卑職

會同

查勘應否開挑請示遵行實爲恩便謹稟

勸諭開挑河溝示

爲立法勸諭以興水利以衛田疇事照得河道溝渠實山川之血脉理應疏濬開挑俾得暢流無阻斯川澤之氣常舒而水旱之災罔作昔賢之規制精詳地官可攷

聖主之勤求倍切例載綦嚴如果莊有壕灣地多溝洫則旱得灌溉之用澇獲宣洩之功利莫大焉無曰災眚由天實屬人謀未善我濟地多低窪益宜未雨綢繆迺爾民罔知思患預防但貪一時小利匪

濟陽縣志

卷之四

文告

三十四

特不能相度地勢疏濬溝灣轉任意耕犁種植以致日漸淤塞故積水易盈疊被渰浸現奉各憲飭查水利開濬溝渠本縣念切民依求其所以致渰之故不辭勞瘁親溯源流除道溝河溝已經諭辦外合再總其大綱分條曉諭爲此示諭闔邑紳士軍民並保約地方人等知悉其各遵照後開條款乘此農隙各按地界踴躍開挑國計民生咸多裨益本縣實深望之一徒駭夾馬二河淤淺窄狹之處按照上游寬深丈

也查倪倫河自<sup>甲</sup>縣前任萇令詳請協修東岸以來三縣分修之倪倫橋以下未有漫決其決口處俱在齊河獨修之倪倫橋以上蓋該處正值西岸項冲是以原詳內有齊河購備椿料濟臨撥夫協修等語雖開寬西岸培築東堤工程較前堅固然水性無常若非未雨綢繆臨時恐難猝辦應請檄飭齊河縣預備椿料土牛<sup>甲</sup>縣與臨邑亦各於承修工段自行購積庶幾有備無患

一倪倫東岸歷年決口處所應加築外堤也查二十

六七兩年決口之處俱在齊河獨修倪倫橋以上之大小吳現趙良等屯緣該處正值頂衝一遇玻水漲發浩瀚洶湧現在所築之堤恐不足資捍衛應請檄飭齊河縣於老堤之外加築月堤工程永固三縣近河田疇庶無滄漫之虞

一五六七等月應於河堤搭蓋窩舖以資守護也

夏秋大雨時行各河水漲該處地屬齊境工分三縣距城皆六七十里鞭長莫及防禦難周應請檄飭三縣一交五月各於承辦工段內每三里設一

尺一律挑濬不得藉口鄰境上下未挑延挨推諉  
一徒駭夾馬俱有支河該約地須督令各近河居民  
照原舊寬深丈尺按畝攤夫造清冊呈送候本縣  
到工分立段落設立夫頭加以班頭督率各照派  
定工段挑挖其挑挖之土不得就近堆積須用土  
筐擡到老岸培築堤埝務期河道寬深堤岸堅實  
一各約莊窪地舊有溝灣該約地逐一查明原舊寬  
長丈尺開造清冊照例加挑寬深其村莊四面易  
於屯水者弊由爾民貪圖自便將溝灣填塞於宅

後疊場用車拉運莊稼以致水積莊前無處疏洩  
如西八里莊淮里窪等處現經本縣親查責令挑  
濬在案此外村莊想俱不免該約地即查明令其  
三面挑壕以資衛護

一官莊窪地本係一水一麥之區今既與高阜并種  
秋禾而並無溝灣洩水滄浸豈有已時應就大道  
兩旁開挑溝灣其間小道亦應寬畱如道多而  
小者即全將道身挖成河邊港汊式樣並於極低  
之處集衆公議開灣否則止可種麥及高粱穰子

不應種植豆禾

一膏腴地畝其地原不受水但能先開溝灣則下游所受之水已可消去一半而小民利於觀成難於圖始每逢種樹開溝等事便以爲苦不知山澤之氣不通必致災祲此種道理久經愷切示知惟我紳士富戶於已田兩旁各開水道引入下游無礙田禾之處或歸溝灣或歸大河倡率行之小民自然樂從地方受益不淺倘爲富不仁任意抗違定行重處

一商濟臨惠等縣交界犬牙交錯之處應挑溝分界並繪具圖本以憑關會一律查辦

一支河溝灣之內不許擅自疊堰致阻水道蓋支河溝汊爲宣洩坡窪之水而設若於溝內疊堰則水道不通反致泛漲惟遇河流昇漲之時止許於溝之兩旁與溝頭加築堤堰倘敢違禁於平地及溝中疊堰者從重究處

一疊堰不如開河而開河之法務將各河寬處用鍋底抽薪法上寬一丈者下寬五尺其河心之士遵

照條內章程運至老岸之上加築堤岸如此則河益深而岸益高厚堅固矣

一疊堰不如開溝其法先將大道兩旁查明舊有溝灣開濬深通尤必寬畱道路不得耕犁種植如舊道實係窄狹並非民間侵種者方許一旁開溝至田間小道亦應寬畱於最窪處開溝洩水

一疊堰不如開灣其法亦先將舊有大窪再行挑深其小窪必行挑寬如無灣處所卽擇該地極窪之處公同議明另行開挑以備蓄洩

一疊堰乃附河莊村臨時急救之法不得已而爲之然亦不可苟且其法須用土筐土車於遠處地頭溝腦取土不得挖掘大路並須先於水未到之處開溝一條於溝之兩旁並溝頭先疊高堰毋令漫溢如此則水一到溝已漸消落不惟新堰易固而一勞永逸水退之後亦易收拾

一疊堰之苦甚於開挑河道溝灣蓋八九月秋收成穫之後人力旣紓可以從容辦理若臨期疊堰天時炎熱水勢又大晝夜奔走於雨水泥濘之中一

至水退卽行損壞徒勞無益惟平日多開溝梁疏濬河道一成無毀水不泛溢田禾旣得豐收俯均有資藉其勞逸判若天淵吾民何不以臨時堰之勞爲平日疏濬開挑之舉事半功倍受用無窮

一莊村道口易於積水無可消洩者卽將該莊廟地公挑二三大灣以資蓄洩

一窪地大道居民不肯墊高皆緣地處極窪水性或自西而東或自南而北必由此路經過恐一經墊

高遂致阻遏水積一處其法須於道中修橋以通兩旁溝水如東西大道中有南北大溝卽造東西橋一座南北大道中有東西大溝卽造南北橋一座該約力能獨辦卽行創修否則立簿稟明本縣倡捐募建其徒駭夾馬兩河各橋俱要增高添空庶幾不至壅遏橫流致有損壞漫溢諸患一荒鹺之地法當去土五寸方可犁種所去之土居民但知培作田埂而不知將路培高以致積雨之後行旅泥濘嗣後所起鹺土俱著培墊大道兩旁

仍照諭定寬深丈尺開溝洩水並卽將鹺地四圍犁深爲溝以洩積水如不能四面盡犁卽就最低之一隅挑挖成溝或將鹺地多開溝灣爲洩水之區以衛承糧地畝是以無用之拋荒而爲永遠之利益矣

一每年挑河疏濬除臨期示辦外該約地於挑河之後卽搭設窩舖巡防伏秋二汛並看守種植樹株其四五月大雨時行之後道上如有積水卽刻撥夫疏消倘實係低窪卽遵照

憲行相度形勢於道路高阜另改一道修墊平坦以便行人

以上各條俱經本縣親勘情形爲水利民生萬全之策願吾士民當於無水時作有水觀條分縷晰敬謹遵循慎勿事過情遷怠玩從事本縣法隨言出定當分別勸懲如有陽奉陰違斷不稍從姑息其各勉旃毋忽

按文告所錄自稟摺及示諭濬導之原委曲折備見於中其言專水利也故不隸之藝文殆以科條



重不以文詞重矣雖然有文告而水利一志可合  
全志爲志亦可離全志成志是固障川迴瀾之需  
非支派餘波之衍也探本者其鑒諸